



Broj, 04/5-02-239/24

Sarajevo, 30.1.2024.godine

ZAPISNIK

21. sjednice Vijeća nacionalnih manjina Federacije Bosne i Hercegovine, održane 30.1.2024.godine.

Sjednica **je počela u 11 sati.**

Sjednici su prisustvovali: Hidajeta Redžić, Dervo Sejdić, Admira Biberović, Alaga Suljić, Vladimir Lukičević, Violeta Džolan, Mišo Ćirko, Davorka Drijenčić, Elvisa Jusić, Mehmed Suljić, Irma Muratović, Bruno Palestra i Emil Bakoš

Sjednici nisu prisustvovali: Davor Ebner, Džemina Zejnullahu, Elma Softić-Kaunitz, Nermin Geca, Emin Fafulić, Velibor Kuvač, Zehra Obarčanin i Dejan Piotrovski.

Sjednicom je predsjedavala Hidajeta Redžić, predsjedavajuća Vijeća nacionalnih manjina Federacije Bosne i Hercegovine.

Za 21. sjednicu Vijeća nacionalnih manjina Federacije Bosne i Hercegovine predložen je sljedeći:

D N E V N I R E D

- 1. Usvajanje Zapisnika sa 20. sjednice Vijeća nacionalnih manjina Federacije BiH,**
- 2. Razmatranje Programa rada i Finansijskog plana Vijeća nacionalnih manjina Federacije BiH za 2024. godinu;**
- 3. Obraćanje Vladi Federacije BiH u svrhu ispunjenja obaveza iz člana 6. Zakona o zaštiti prava pripadnika nacionalnih manjina u FBiH („Službene novine Federacije BiH“, broj 56/08);**
- 4. Tekuća pitanja**

Prijedlog dnevnog reda je jednoglasno usvojen.

1. Usvajanje zapisnika sa 20. sjednice Vijeća nacionalnih manjina Federacije BiH;

Zapisnik sa 20. sjednice Vijeća nacionalnih manjina Federacije BiH je jednoglasno usvojen, bez prijedloga i primjedbi.

2. Razmatranje Programa rada i Finansijskog plana Vijeća nacionalnih manjina Federacije BiH za 2024. godinu

Predsjedavajuća je naglasila da članovi Vijeća do sada nisu podnijeli svoje prijedloge za Finansijski plan Vijeća za 2024. godinu, izuzev usmenog prijedloga iznesenog od strane Irme Muratović i pismenog od Dervo Sejdića. Koristeći ovu priliku, ponovno je pozvala sve članove da dostave svoje prijedloge radi pažljivog razmatranja, s ciljem zajedničke pripreme i usvajanja Finansijskog plana Vijeća za tekuću godinu. Dervo Sejdić je pružio obrazloženje svog prijedloga Finansijskog plana, koji se odnosi na Vijeće nacionalnih manjina Federacije Bosne i Hercegovine, uključujući i romsku nacionalnu manjinu koju zastupa u Vijeću. Mehmed Suljić je naglasio potrebu ozbiljnog angažmana u procesu izrade finansijskog plana i pružio dodatna objašnjenja o sadržaju potrebnom u navedenom dokumentu. Vijeće se saglasilo jednoglasno da će u roku od sedam dana dostaviti svoje prijedloge predsjedavajućoj radi izrade Finansijskog plana.

3. Obraćanje Vladi Federacije BiH u svrhu ispunjenja obaveza iz člana 6. Zakona o zaštiti prava pripadnika nacionalnih manjina u FBiH („Službene novine Federacije BiH“, broj 56/08);

Predsjedavajuća je naglasila nužnost reiniciranja inicijative za izmjenu i dopunu Zakona o zaštiti prava pripadnika nacionalnih manjina u Federaciji Bosne i Hercegovine, što je naišlo na opće prihvatanje među ostalim članovima. Predsjedavajuća je prezentirala prijedlog dopisa koji će biti upućen premijeru Federacije, kao i ministrici Federalnog ministarstva kulture i sporta. Vijeće nacionalnih manjina Federacije Bosne i Hercegovine izražava zabrinutost zbog dugotrajne prakse nepoštivanja Zakona o zaštiti prava pripadnika nacionalnih manjina. Predlaže izmjene u Odluci o Programu utroška sredstava iz Budžeta Federacije za 2024. godinu. Nove izmjene uključuju dodatnu namjenu s iznosom od najmanje 80.000 KM, usmjerenu na potporu kulturnim manifestacijama i projektima nacionalnih manjina te podršku udruženjima kroz javni poziv. Ove promjene koreliraju s posebnim kriterijima za raspodjelu sredstava, a grantovi će se dodijeliti isključivo udruženjima nacionalnih manjina. Cilj je osigurati poštivanje Zakona u dijelu koji se odnosi na financijsku podršku aktivnostima udruženja pripadnika nacionalnih manjina.

4. Tekuća pitanja

Dervo Sejdić je obavijestio Vijeće da je Visoki predstavnik, g. Christian Schmidt, postavio rok do kraja marta za izmjenu tehničkog dijela izbornog zakona, čime se obveza provedbe presuda stavila u drugi plan. Dervo je sugerirao da Vijeće nacionalnih manjina FBiH primjereno reagira na ovu situaciju. Članovi Vijeća su se suglasili da Dervo Sejdić dostavi Vijeću prijedlog teksta reakcije Vijeća, a na sljedećoj sjednici će zajednički uskladiti prijedlog. Sjednica je završena u 12 sati.

**PREDSJEDAJUĆA VIJEĆA NACIONALNIH
PARLAMENTA FEDERACIJE BiH**

